

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: Ngā take o te wā

Aronga: Ngā Mahi a te Rēhia 1.2B

Paerewa Paetae: Ngā Mahi a te Rēhia 1.2

Kaupae: 1

Whiwhinga: 6

He Tohutohu mā te Ākonga

I tēnei ngohe

I tēnei ngohe, ka tūhura, ka whai koe i ngā tukanga toi rēhia ki te whakarite whakaaturanga.

Te horopaki

Ko tāu nā mahi he whakarite whakaaturanga e hāngai ana ki tētahi take kōrero o te wā.

Ka āta tirohia ngā kōrerorero, ngā matapakinga, ngā tikanga anō hoki o tētahi take e kaha kōrerohia ana ki tō rohe, ki Aotearoa whānui anō hoki, kātahi ka mahi takitahi, takirōpū rānei ki te whakarite nekehanga e whakamāoritia ai aua āhukatanga.

Ka aromatawaingia tāu whakaatu māramatanga ki ngā tukanga toi rēhia hei whakaatu i ngā āhukatanga o te take kōrero i kōwhiria e koe/koutou.

Hei mahi

Kōwhiria tētahi take kōrero o te wā hei kaupapa mō tāu/tā koutou whakaaturanga.

Matapakihia, kōwhiria ngā āhukatanga toi rēhia e tika ana hei whakamāori atu i te take nei. Hopukina ngā kōrero, whakaaro katoa hoki hei taunakitanga mō tāu ake hautaka/kōpae matihiko rānei.

Ko ngā āhukatanga e kōrerohia nei, ko ngā mahi a Tānerore, a Hinerēhia. Whakaarohia ngā tūmomo nekehanga ā-tinana, ngā toroparawai, ngā whakamahinga ringa, ngā haka a Hineruhi, a Tānerore anō hoki, ngā piunga rākau me ngā momo Mata-a-Tū.

Whakaritea ngā nekehanga kia waihangatia ai tētahi raupapa e kaha whakamāori nei i ngā kaupapa matua o te take. Kei a koutou ko tō kaiako te

tikanga mō te momo whakaaturanga mō tēnei ngohe aromatawai. Ko te tikanga ia, kia āta tūhura, kia whai hoki koutou i ngā tukanga toi rēhia.

Kia tika te whakaatu, te hopu rānei i ngā taunakitanga kia ea ai te tūhuratanga o ngā tukanga toi rēhia, me te māramatanga anō ki aua tukanga. Ko tāu hautaka/rautaka/kōpae matihiko tērā hei taunaki i tāu mahi, nō reira, kia kaha te tāuru i ngā kōrero/whakaaro katoa e tika ana.

Kōrero Āpiti

tukanga toi	<p>Ko ngā tukanga ngā hātepe ka whāia kia tutuki ai tētahi whāinga.</p> <p>Hei tēnei ngohe, ko ngā tukanga katoa tērā e hāngai ana ki ngā toi rēhia me te whakarite whakaaturanga.</p>
whakaaturanga	<p>Ngā momo whakaaturanga katoa e hāngai ana ki Ngā Mahi a te Rēhia, hei taurira, ko te whakaari, ko te whakataki toikupu, ko te kanikani</p>